




Minggu, 18 Juli 2021

Ogen: Perngandungen 3:27



Erlajar Tupung Nguda



Atur Well Esley ngatakan maka "*orang bijak belajar ketika mereka bisa, orang bodoh belajar ketika mereka terpaksa.*" Arah pendapat enda ngatakan maka kalak si pentar makeken kesempatan si lit alu payo, erlajar i bas paksa si banci, berarti lit paksana bas kegeluhen enda lanai ngasup erlajar. Secara kusus i bas erlajar, paksa si pasna kal erlajar eme usia nguda. Usia nguda eme usia produktif; meter nangkap sada pelajaren, gegeh pe mbelin denga, semangat ras kreatif ras sidebanna.

Paksa-pasa sibagenda me si pasna waktuna guna terus mpebagesi kepentaren. Sabap erlajar i bas masa nguda/produktif erguna kal nandangi masa depan entah pe man wari-wari si rehna. Atur Well Esley ngidah maka kalak si erlajar terpaksa eme kalak bodoh, sabap kune terpaksa entah ipaksa maka kita erlajar, mereken ngaruh si labo sikap. Labo si akap meriah adi ipaksa maka kita erlajar, janah si bahayana banci erbahanca kita stres. Jelas si enda labo ateta jadi ku bas kegeluhenta; e maka jelas kal ikatakan uga kita ngasup erlajar i bas paksa banci denga kita erlajar.

Tangkas i bas renungenta nina: *ulin erlajar megenggeng tupung paksa kita nguda.* Kitab perngandungen enda ngidah maka megenggeng i bas paksa nguda segelah ula erkadiola i bas daging enggo metua. Megenggeng bali ras nunut, sabar, la mesunah putus asa/optimis ras si lalap lit pengarapen si mehuli i bas wari-wari si pe pagi. Jeremia 29:11; ngatakan maka "*Aku ngenca meteh sura-surangKu nandangi kam, eme gelah kam senang labo gelah cilaka. Rencanaku eme mereken wari pepagi bagi siniarapkenndu*". Jelas maka kinigengengen masa nguda guna erlajar e mereken wari si pepagi si mehuli eme kepentaren, kesenangan rikut ras kemalemen ate.